



O'ZBEKISTON OVOZI

Shu aziz VATAN — barchamizniki!

2012-yil, 18-avgust. Shanba 98 (31.530) Ijtimoiy-siyosiy gazeta 1918-yil 21-iyundan chiqq boshlagan www.uzbekistonovozi.uz

ТАҚДИРИМСАН, БАХТИМСАН, ЭРКИН ВА ОБОД ВАТАН!

ЎзХДП маҳаллий Кенгашларида



Муродбек ЭИЕ олган сурат.

БОШ МАСАЛА ЭЛЕКТОРАТ МАНФААТИ

ХАЛҚ ДЕПУТАТЛАРИ ТОШКЕНТ ВИЛОЯТ КЕНГАШИДАГИ ЎзХДП ДЕПУТАТЛИК ГУРУҲИ ТОМОНИДАН ЭЛЕКТОРАТ МАНФААТЛАРИНИ ҲИМОЯ ҚИЛИШ, ХОТИН-ҚИЗЛАРНИ ИЖТИМОЙ ФАОЛЛИГИНИ ЯНАДА ОШИРИШ, УЛАРНИ ИШ БИЛАН БАНД ЭТИШ ВА ОИЛАВИЙ ТАДБИРКОРЛИКНИ ҚўЛЛАБ-ҚУВВАТЛАШ БОРАСИДА КўПЛАБ ИШЛАР АМАЛГА ОШИРИЛМОҚДА.

— Партияимиз дастурий мақсадларида электорат вакиллари ижтимоий масалаларига ечим топиш, уларни доимий меҳнат билан банд бўлишига кўмаклашиш алоҳида кўрсатиб ўтилган, — дейди ЎзХДП Тошкент вилоят кенгаши раиси, вилоят Кенгашидаги партия депутати гуруҳи раҳбари Сирожиддин Аъзамов. — Шу мақсадда кўплаб туманлар-

да ижтимоий-иқтисодий анжуманлар ўтказаяпмиз. Уларда жисмоний имконияти чекланган бўлишига қарамаддан, ўз бизнес-режасига эга, кредит олиб, ўз ишини йўлга қўйишга лаёқатли одамларни қўлимиздан келганча қўллаб-қувватлашга ҳаракат қилаяпмиз.

Нурали ОРИПОВ,
«Ўзбекистон овози»
муҳбири.

ОҚСАРОЙДА ҚАБУЛ

ЎЗБЕКISTON РЕСПУБЛИКАСИ ПРЕЗИДЕНТИ ИСЛОМ ҚАРИМОВ 17 АВГУСТ КУНИ ОҚСАРОЙДА АМЕРИКА — ЎЗБЕКISTON САВДО ПАЛАТАСИ РАИСИ КЭРОЛИН ЛЭММ РАҲБАРЛИГИДАГИ АҚШ ИШБИЛАРМОН ДОИРАЛАРИ ДЕЛЕГАЦИЯСИНИ ҚАБУЛ ҚИЛДИ.

Давлатимиз раҳбари меҳмонларни юртимизга ташрифи билан қутлар экан, мамлакатларимизнинг етакчи компаниялари ўртасида ҳамкорлик алоқалари изчил кенгайиб бораётганини таъкидлади. Америка-Ўзбекистон савдо палатаси томонидан ташкил этилган, АҚШнинг етакчи ва аксарияти глобал трансмиллий мақомга эга бўлган 25 компанияси раҳбарларидан иборат қарийб 80 бизнесмен иштирок этган бизнес-форумнинг муваффақиятли ўтказилганини ижобий баҳолади.

Учрашувда АҚШнинг етакчи компаниялари ва уларнинг ўзбекистонлик шериклари ўртасидаги ўзаро манфаатли бизнес муносабатларини янада мустаҳкамлаш, ички ва ташқи бозорда харидоригр бўлган юқори қўшимча қийматга эга маҳсулотлар ишлаб чиқариш бўйича қўшма корхоналар ташкил этишга қаратилган иқтисодий ва инвестицион ҳамкорликнинг бугунги ҳолати ва устувор йўналишлари муҳокама қилинди.

Американинг «Женерал Моторс», «Боинг», «Локхид Мартин» ва бошқа кўплаб етакчи компаниялари билан анча йиллардан буён самарали ҳамкорлик қилиб келинаётгани ўзаро муносабатларда тўпланган ижобий тажрибанинг ёрқин мисоли сифатида қайд этилди. Ўзбекистонда америкалик инвесторлар иштирокида ташкил этилган 241 корхона рўйхатга

олинган. Мамлакатимизга қирритилган тўғридан-тўғри АҚШ сармояси ҳажми 2 миллиард доллардан ошди.

Кэролин Лэмм ва Америка бизнесининг бошқа вакиллари давлатимиз раҳбарига кўрсатилаётган эътибор ва Ўзбекистонда АҚШ компаниялари иш юритишига яратилган қулай шароит учун самимий миннатдорлик изҳор этдилар ва Ўзбекистон бозорида АҚШ инвестициялари, технологиялари ва юқори технологияли компаниялари фаолиятини янада кенгайтиришнинг кенг истиқболлари мавжудлигини таъкидладилар.

Америка — Ўзбекистон савдо палатаси раиси катта муносабатли билан ўтган бизнес-форумда «Женерал Моторс», «Боинг», «Женерал Электрик», «Локхид Мартин», «Мерк», «Рио Тинто», «Уайт энд Кейс», «Ана-дарко», «Кейс Нью Холланд», «Нукем», «Солар Турбайнс», «Катерпилар», «Зеппелин» ва бошқа энг нуфузли компанияларнинг иштирок этгани АҚШ ишбилармон доираларининг Ўзбекистонга катта қизиқиши юксалиб бораётганидан далолат эканини таъкидлади.

Ўзбекистондаги макроиқтисодий ва сиёсий барқарорлик, юртимизда замонавий Америка технологияларини жалб қилган ҳолда йирик инвестицион лойиҳаларни амалга ошириш борасида кенгайиб бораётган имкониятлар, мамлакатимизнинг Ўрта Осиёдаги йирик бо-

зор сифатидаги стратегик аҳамияти бундай қизиқишнинг асоси экани таъкидланди.

Шу билан бир қаторда, Ўзбекистоннинг бой минерал-ҳомашё салоҳияти, ривожланган саноат ва транспорт инфратузилмаси, юксак малакали кадрлари, шунингдек, хорижий инвесторлар учун имтиёзлар, преференциялар ва уларнинг ҳуқуқларини ҳимоя қилиш фаворитларининг ишончли тизими қўшма лойиҳалар муваффақиятининг гарови бўлиб хизмат қилмоқда.

Шу маънода Ўзбекистон Республикаси Президентининг 2012 йил 16 ва 18 июль кунлари қабул қилинган ишбилармонлик муҳитини тубдан яхшилаш, тадбиркорликка катта эркинликлар бериш, шунингдек, ҳисобот топириш, лицензия ва рухсатномалар олиш борасида бизнесга қўйиладиган талабларни қисқартиришга йўналтирилган фармонларнинг аҳамияти юксак баҳоланди.

Бўлиб ўтган бизнес-форум давомида Ўзбекистон ва АҚШ компаниялари ўртасида машинасозлик, металл қайта ишлаш, энергетика, нефть ва газ қазиб олиш, нефть-газ кимёси, электротехника ва тоғ-кон саноати, фармацевтика, озик-овқат маҳсулотлари ишлаб чиқариш ва бошқа соҳаларда умумий қиймати қарийб 2,8 миллиард долларни ташкил этувчи 21 лойиҳани амалга ошириш бўйича келишувларга эришилгани мамнуният билан таъкидланди.

Учрашув якунида давлатимиз раҳбари Америка — Ўзбекистон савдо палатаси ва АҚШ ишбилармон доиралари вакиллари билан самарали ва ўзаро манфаатли ҳамкорликни ривожлантиришда муваффақиятлар тилади.

ЎЗА

Партиялараро баҳс

ИНҚИРОЗГА ҚАРШИ КУРАШИШ

борасида ЎзЛиДеПнинг Сайловолди ваъдалари ҳамон бажарилмаяпти

2009-2012 йилларга мўлжалланган Инқирозга қарши чоралар дастури ижросида партиянинг фаол иштирок этишини мақсад қилган либерал-демократлар бу масалага нега лоқайд қараяпти? Демак, бундан кўриниб турибдики, улар Сайловолди дастурида белгиланган вазифани адо этишмаяпти.

→ 2

«O'zbekiston ovozi» сайтида ўқинг



Партиялараро баҳс:

ЎзЛиДеП ДАСТУРИДА БЕЛГИЛАНГАН ВАЗИФАЛАР



фақат қоғоз қоралаш учун ёзилганми?

www.uzbekistonovozi.uz

ХАЛҚ ТАЪЛИМИ:



ЯНГИ ЎҚУВ ЙИЛИГА ЯНГИ РЕЖАЛАР БИЛАН

16 АВГУСТ КУНИ ХАЛҚ ТАЪЛИМИ ВАЗИРЛИГИ ТОМОНИДАН «ЯНГИ ЎҚУВ ЙИЛИДА ТАЪЛИМНИ СИФАТ БОСҚИЧИГА КўТАРИШНИНГ ДОЛЗАРБ МАСАЛАЛАРИ» МАВЗУСИДА МАТБУОТ АНЖУМАНИ Бўлиб ўтди. Унда ХАЛҚ ТАЪЛИМИ ВАЗИРЛИГИ РАҲБАРΙΑТИ ВА МАСЪУЛ ХОДИМЛАРИ, ОММАВИЙ АХБОРОТ ВОСИТАЛАРИ ВАКИЛЛАРИ ИШТИРОК ЭТДИ.

⇒ 4

Истиқлол имкониятлари

ҚОРАҚАЛПОҚ ДИЁРИДАГИ

янгиликлар ва ўзгаришлар



ЮРТИМИЗНИНГ БОШҚА МИНТАҚАЛАРИ СИНГАРИ ҚОРАҚАЛПОҒИСТОН РЕСПУБЛИКАСИ ҲАМ МУСТАҚИЛЛИК ЙИЛЛАРИДА БУТУНЛАЙ ҚАЙТАДАН БУНЁД ЭТИЛДИ. БИР ВАҚТЛАР НУКУС БИР ХИЛ БИНОЛАРДАН ИБОРАТ КўРМИСИЗ ҚАЛЪА ЭДИ. ҲОЗИР ЭСА КўЗНИ ҚўВОНТИРАДИГАН КўРКАМ ВА ОБОД, ФАЙЛИ ВА ТАРОВАТЛИ ХИЁБОНЛАР, ЙўЛЛАР, БИР БИРИДАН МУҲТАШАМ ИНШООТЛАР БУ КЕНТНИ БЕЗАБ ТУРИБДИ. БУНДАЙ ЎЗГАРИШЛАР БУГУН ЧўЛЛАР БАҒРИДАГИ ҚОРАҚАЛПОҒИСТОННИНГ ҲАР БИР ГўШАСИДА СОДИР БўЛМОҚДА.

3 бет

Истиқлол имкониятлари

ҚОРАҚАЛПОҚ ДИЁРИДАГИ ЯНГИЛАНИШ ВА ЎЗГАРИШЛАР

Чўлдаги мўъжиза

Истиқлол йилларида барпо этилган Қўнғирот сода заводи Устюртга ҳаёт бахш этиб, Элобод деган шаҳарча пайдо бўлишига асос яратди. Бу ерда Тошкент кимё технология институтини филиали, йодланган туз, селикат гишт, минерал кукун ишлаб чиқарувчи ўнлаб қўшимча тизимлар очилди.

— Завод асосан, кальцийланган сода ишлаб чиқаради. Агар 2006 йилда ушбу маҳсулотдан 12 800 тонна ишлаб чиқарилган бўлса, 2011 йилга келиб бу кўрсаткич 97 800 тонна, жорий йилнинг олти ойида эса 48 808 тоннага етди, — дейди заводнинг техник ишлаб чиқариш бўлими бошлиғи муовини Ислам Жаксымуратов. — Ишчи ходимларимиз учун алоҳида ғамхўрлик кўрсатишмоқда. Завод ёнидаги Элобод посёлкида 320 ўринга мўлжалланган мактаб, 90 ўринли мактабгача таълим муассасаси, маданият саройи, даволаш маркази, савдо дўкони, чойхона, новвойхона, кафе ва бошқа тури ижтимоий, маиший хизмат кўрсатиш бинолари мавжуд. 1400 га яқин ишчи ходимларимизнинг 70 фоизини ёшлар ташкил этади. Бу корхона истиқболдан далолат беради.

Шунингдек, бу йил Президентимиз ташаббуси билан Устюрт газ-кимё мажмуаси қурилиши бошланди. Бу қорақалпоғистонликларга куч-ғайрат, кўтаринки кайфият бағишлади. Мажмуанинг қурилишига 2 млрд. 600 млн. АҚШ доллари миқдорига тўғридан-тўғри инвестициялар киритилиши режалаштирилган бўлиб, йилга 400 минг тонна полиэтилен, 100 минг тонна полипропилен маҳсулотлари ишлаб чиқариш қувватига эга бўлади. Бу ўз навбатида, 10 000 та янги иш ўринларининг яратилиши имконини беради. Ҳозирда мажмуада ижтимоий инфратузилма объекти қурилиши олиб борилмоқда.

Шундай қилиб, бир вақтлар қуш учса қаноти, одам юрса оёғи қуйган беповён Устюрт кейинги йил-



ларда йирик sanoat марказига айланмоқда. Бу эса республика иқтисодий салоҳияти ва экспорт ҳажми ошишига, минглаб кишиларнинг иш билан банд бўлишига хизмат қилмоқда.

Халқаро ҳамкорлик — иқтисодиёт таянчи

Мустақиллик йилларида чет эл инвесторларини тўғридан-тўғри жалб қилиш имкони пайдо бўлди. Ҳозирда Устюрт текислиги, Орол денгизи акваториясида нефть ва газ захиралари скважиналарининг реконструкция қилиш ишлари олиб борилмоқда.

Бугунги кунда республикада 47 та қўшма корхона фаолият юртимда. Маҳаллий корхоналар томонидан экспортга йўналтирилган маҳсулот миқдори ярим йил якунларига кўра, 5,7 миллион АҚШ доллари, шу жумладан, енгил sanoat корхоналари томонидан 1 миллион 970 минг АҚШ доллари миқдорига маҳсулотлар экспорт қилинди. Республика бўйича жами экспорт қилинган маҳсулот суммаси 68,2 миллион АҚШ долларига тенг бўлди.

— Бугун республикада кўплаб ишлаб чиқариш, ижтимоий ва маиший хизмат кўрсатиш инфратузилма объектлари қурилиши олиб борилмоқда. Шундай қилиб, бир вақтлар қуш учса қаноти, одам юрса оёғи қуйган беповён Устюрт кейинги йил-

най туманидаги қизилмия илдини қайта ишлашга йўналтирилган «Месдор-Шуманай» хитой корхоналари ҳамда хиндистонлик шеърликлар билан ҳамкорликдаги «Нукус-экстракт» корхоналарини курсатса бўлади, — дейди Республика иқтисодиёт вазирлигининг бўлим бошлиғи Зибагул Жаксымуратов. — Иқтисодиётдаги туб ўзгаришлар натижасида худуднинг экспорт салоҳияти ошиб бормоқда. Жорий йилда Беруний туманидаги «Астера текстиль» масъулияти чекланган жамияти томонидан 581 минг АҚШ доллари (йигирилган ип), Тўрткўл туманидаги «Тўрткўл асака текстиль» масъулияти чекланган жамияти томонидан 876,2 минг АҚШ доллари (тикувчилик маҳсулотлари) ва Нукус шаҳридаги «Нукус текстиль» масъулияти чекланган жамияти томонидан эса 338,5 минг АҚШ доллари (трикотаж маҳсулотлари) миқдорига маҳсулотлар экспорт қилинди.

Эл соғлиғи — юрт бойлиги

Ўтган асрнинг 90-йилларини бир эслайлик. Тиббиёт муассасаларидаги шароит издан чиққан, экологик вазият тарангланган, бир давр эди. Истиқлол йилларида Оролбўйи аҳолиси соғлиғини сақлаш учун салмоқли ишлар қилинди. Халқаро андозалар даражасида тиббий хизмат ти-

зими барпо этилди. Чунончи, «Саломатлик-1» ва «Саломатлик-2» лойиҳаси асосида республика соғлиқни сақлаш муассасалари 3 миллиард 46 миллион 469 минг сўмлик энг замонавий тиббий асбоб-ускуналар билан таъминланди. Республика шойлинин тиббий ёрдам илмий маркази Нукус филиали ва унинг тумандаги бўлимлари 7 та «Hyundai» ҳамда 76 та «Дамас» русумли санитар автотранспорт берилди. Марказнинг Нукус филиалига Ислам Тараққиёт банк маблағлари ҳисобидан 1 миллиард 964 миллион сўмлик ва туман бўлимлари 2 миллиард 342 миллион сўмлик хижозлар олиб келиб ўрнатилди.

Таълимга эътибор

Ҳозирги пайтда Қорақалпоғистонда жами 1130 та таълим муассасалари бўлиб, улардан 741 умумий ўрта таълим мактаблари, шундан 1 таси махсус мактаб, 3 таси махсус мактаб-интернатлари, 320 та мактабгача таълим муассасаси ва 17 та «Баркамол авлод» болалар марказлари, 21 та мусика ва санъат мактаблари, 30 та болалар ва ўсмирлар спорт мактаблари, 1 та Республика педагог ходимларини қайта тайёрлаш ва малакасини ошириш институти фаолият кўрсатмоқда.

— 2012 йилги Инвестиция дастури асосида республикада 21392 ўқувчи ўринга мўлжалланган 37 та мактабда, шу жумладан, 9 та мактабда капитал реконструкция қилиш ва 28 та мактабда мукамал таъмирлаш ишлари олиб бориш режалаштирилган, — дейди Қорақалпоғистон Республикаси Халқ таълими вазирлигининг давлат таълими стандартлари мониторинги бошқармаси бошлиғи, Жугинис Идиядинов. — Шунингдек, Болалар спортини ривожлантириш жамғармасининг 2012 йилги манзилли дастурига асосан 10 та объект қиритилган бўлиб, ишлар тасдиқланган режа асосида амалга оширилмоқда.

Президентимизнинг «Болалар мусика ва санъат мактабларининг

моддий-техник базасини мустаҳкамлаш ва уларнинг фаолиятини янада яхшилаш бўйича 2009-2014 йилларга мўлжалланган Давлат дастури тўғрисида»-ги қарорига мувофиқ, Қорақалпоғистон Республикасида 9 миллиард 401 миллион 427 минг сўмлик қийматга эга 12 та мусика мактаби қурилади. Худди шундай мусика мактаблари Хўжайли, Беруний ва Чимбой туманларида ҳам бунёд этилмоқда.

Нукус шаҳрининг янги қиёфаси

Нукус бугун Ўзбекистонимизда тез суръатларда тараққиёт этаётган гўзал гўшалардан бири. Текис ва равон кўчалар, хиёбонлар ва йўл четидagi экилган рангбаранг гуллар шаҳар кўрқига кўрк қўшмоқда. Марказдаги Дўстлик гузары кўчасида қад ростлаган замонавий ижтимоий инфратузилма иншоотлари шаҳар қиёфасига ўзгача зеб бериб турибди. Кўп қаватли турар-жой биноларининг пастки қисмидаги савдо шохбачалари ва маиший хизмат кўрсатиш бинолари ўзига хос кўркамлик ва маҳобат бағишлайди бу кентга.

Яна бир хушxabар. Яқинда ҳукуматимизнинг тегишли қарорига кўра, Нукус шаҳри аэропорти халқаро мақом олди.

— Ҳозирда ҳафтага уч мартаба «Боинг-737», Ил-114, FJ-85 русумли пўлат қанотли тулпорларимиз парвоз қилмоқда, — дейди аэропортнинг ташишларни ташкил қилиш хизмати бошлиғи Қонысбай Нуратдинов.

Бугун қорақалпоқ заминидa ҳар қадамда янгилашиш ва ўзгаришлар. Мустақиллик Ватанимизнинг бир бўлағи — Қорақалпоғистон Республикаси ҳаётида ҳам янги саҳифаларни очмоқда. Қорақалпоқ элининг яратувчанлик, бунёдкорликка қаратилган эзгу ишлари тўғрисида бу тарих саҳифалари янада мазмунли бўлиши шубҳасиз.

Рейимбой ЕШИМБЕТОВ,
«Ўзбекистон овози» мухбири,
Мнажотдин ҚУТЛИМУРАТОВ,
журналист.

Эртага — Ўзбекистон Республикаси Ҳаво флоти кун

ЖОРИЙ ЙИЛНИНГ ЎТГАН ОЛТИ ОЙИ МИБАЙНИДА «ЎЗБЕКИСТОН ҲАВО ЙЎЛЛАРИ» МИЛЛИЙ АВИАКОМПАНИЯСИ ТОМОНИДАН 12339 ҚАТНОВ БАЖАРИЛИБ, КЎРСАТКИЧ ЎТГАН ЙИЛНИНГ ШУ ДАВРИДАГИГА НИСБАТАН 419 ТАГА ОРТДИ.

ТАРАҚҚИЁТНИНГ ИШОНЧЛИ ҚАНОТЛАРИ

Авиакомпания хизматларидан 1 млн. 244 минг йўловчи фойдаланди. Мижозлар сони 17,1 фоизга ошди. Жами 20 минг тонна юк ва 755 тонна почта жўнатилди.

Миллий матбуот марказида Ўзбекистон Республикаси Ҳаво флоти кун муносабати билан ташкил этилган матбуот анжуманида бу рақамлар алоҳида таъкидланди.

«Ўзбекистон ҳаво йўллари» Миллий авиакомпанияси Бош директори Валерий Тянь қайд этганидек, юртимиз авиаторлари мустақиллигимизнинг 21 йиллигини муносиб қутиб олмақда. Миллий авиакомпания «Парвозлар хавфсизлиги» ношароит ҳамкорлик ташкилотининг «Парвозлар хавфсизлигини таъминлашдаги улкан ютуқлари учун» номинацияси гўлиби бўлди. Парвозлар хавфсизлиги фондининг (Flight Safety Foundation) «Парвозлар хавфсизлигини таъминлашда эришган улкан ютуқлари учун» фахрли дипломи билан тақдирланди.

Миллий авиакомпания Тренажёр мажмуасида учувчиларга стандарт ва мураккаб ҳолатларда вазиятни тўғри баҳолаш ҳамда тажриба ошириш имконини берувчи «Boeing-767» тренажери ўрнатилди. Яқин кунларда эса учувчиларимиз замонавий «А320» Boeing тренажёрлари қаторида мамлакатимизда ишлаб чиқарилган «Ил-114-100» авиалайнерининг «Full-Flight» симуляторида ҳам самолётни бошқариш борасида ўз малакаларини оширадилар.

Авиапаркин замонавий авиалайнерлар билан тўлдириш жараёни давом этмоқда. Жорий йилда янги «Boeing-767» ҳаво лайнерларининг сони 4 тага етди. 2014-2016 йилларда эса иккита «Boeing-787 Dreamliner» самолёти ҳам олинади.

Миллий авиакомпания аэропортлари ҳам қатор ютуқларни кўлга киритмоқда. Бугун юртимиз авиаходимларининг барча сазой-ҳаракати парвозлар хавфсизлиги, мунтазамлиги ва ишончилигини ҳамда йўловчиларга юқори даражада хизмат кўрсатишни таъминлашга қаратилган. Зеро, хавфсизлик, барқарорлик ва қулайлик — «Ўзбекистон ҳаво йўллари» фаолиятининг асосий мезонидир.

Алишер РЎЗИЕВ,
«Ўзбекистон овози» мухбири.

Табрик

Qishloq Qurilish Bank

Барча юртдошларимизни, ўз акциядорлари ва мижозларини мамлакатимиз Мустақиллигининг 21 йиллиги байрами билан муборақбод этади!

она Ватан равнақи, юрт тинчлиги, халқ фаровонлиги йўлидаги эзгу ишларингизда омад ҳаминша ёр бўлсин!

Сизларга мустаҳкам соғлиқ, хонадонингизга файзу барака, тинчлик - хотиржамлик, ишларингизда омад тилаган ҳолда, қуйидаги янги омонат турларини таклиф этади:

Миллий валютада:
«Истиқлол» — муддати 3 ой.
«Мустақил оила-3» — муддати 3 - 9 ой.
«Мураббий» — муддати 2 ой.
«Мадад» — муддати 1 йил.

Хорижий валютада:
«Фортуна» — муддати 3 - 12 ой.

Банкдаги омонатлар Ўзбекистон Республикаси Президентининг 2008 йил 28 ноябрдаги «Фуқароларнинг Ўзбекистон Республикаси тижорат банкларидаги омонатларини ҳимоялаш кафолатларини таъминлашга оид қўшимча чора-тадбирлар тўғрисида»ги Фармони асосида туўлиқ кафолатланади.

Ахборот маркази телефонлари:
(+99871) 150-39-93, 150-93-39
www.qishloqqurilishbank.uz

Қишлоқ қурилиш банк — фаровон ҳаётингиз хизматида!

Хизматлар лицензияланган

«БОҒОТДОН»

акциядорлик жамияти жамоаси юртдошларимизни энг улуғ, энг азиз байрамимиз — мамлакатимиз Мустақиллигининг 21 йиллиги шодиёнаси билан қутлаб, халқимизга мустаҳкам соғлиқ, тинчлик ва бахт-соадат тилайди.

Хоразм вилоят

«ҚИШЛОҚХЎЖАЛИККИМЁ»

ҳудудий акциядорлик жамияти жамоаси халқимизни энг улуғ айём — мамлакатимиз Мустақиллигининг 21 йиллиги билан муборақбод этади.

она Ватанимиз гуллаб-яшнаши ва обод бўлиши йўлида меҳнат қилаётган юртдошларимизнинг эзгу ишларига омадлар тилайди.

Баркамол авлод орзуси

ХАЛҚ ТАЪЛИМИ: ЯНГИ ЎҚУВ ЙИЛИГА ЯНГИ РЕЖАЛАР БИЛАН



— Бугунги кунда мамлакатимиздаги мавжуд барча умумий ўрта таълим мактаблари ва мактабгача таълим муассасалари янги ўқув йилига тўлиқ тайёрланди, — дейди **Халқ таълими вазирининг биринчи ўринбосари Бахтиёр Дониёров**. — Шунингдек, янги ўқув йилида жамоат ташкилотлари билан яқин алоқа ўрнатганимиз ҳам ўзининг ижобий натижаларини беради, деб ўйлаймиз. Шу йил 13 июль куни вазирликнинг буйруғига биноан халқ таълими муассасаларининг Васийлик кенгаши тасдиқланди ва Адлия вазирлиги томонидан рўйхатга олинди. Президентимизнинг қарорига му-

(Давоми. Боши 1-бетда.)

вофик 2012 йилда мамлакатимизда жами 363 та, шундан 14 та янги мактаб қуриш, 187 та мактабни капитал реконструкция қилиш ва 162 тасини эса капитал таъмирлаш режалаштирилган эди. Жорий йилнинг 1 августига қадар 158,5 миллиард сўмлик қурилиш-таъмирлаш ишлари амалга оширилди. Бу эса йиллик режа 93,7 фоизга бажарилганини кўрсатади. 2011-2012 ўқув йилида республикамиздаги умумий ўрта таълим мактабларини 560 минг 345 нафар ўқувчи битирди. Уларнинг ҳаммаси ўз қизиқиши ва қобилиятидан келиб чиққан ҳолда таълимнинг кейинги босқичи билан тўлиқ камраб олинди. Шу йилнинг 22-27 апрель кунлари пойтахтимизда ўтказилган «Йилнинг

энг яхши фан ўқувчиси» кўрик-танловининг республика босқичида Қорақалпоғистон Республикаси, Тошкент шаҳри ҳамда вилоятлардан 14 та фан бўйича 1-уринни қўлга киритган жами 186 нафар ўқувчилар иштирок этди. Яқунда уларнинг 14 нафари танлов ғолиби бўлди. 2011 йилда 41 нафар истеъодли ёшларимиз Франция, Италия, Германия, Голландия, Буюк Британия, Руминия, Азербайжан, Украина, Арманистон каби давлатларда ўтказилган турли хил нуфузли халқаро танловларда иштирок этишди. 2012 йилнинг ўтган даври мобайнида 50 нафар ўқувчимиз халқаро танловларда қатнашиб, фахрли ўринларга сазовор бўлди.

2004 йил бошида умумий ўрта таълим мактабларининг атиги 12 фоизи замонавий компьютерлар билан таъминланган бўлса, 2012 йилнинг 1 июль ҳолатига кўра, сўнгги авлод компьютерлари билан жиҳозланган ўқув компьютер синфлари сони 7534 тани ёки республикамиздаги мавжуд 9763 та мактабга нисбатан оладиган бўлсақ 77 фоизни ташкил этади... Анжуманда мактаб ўқувчилари учун янги кийиниш тизими жорий этилган соҳа мутахассислари ва журналистлар томонидан атрофлича муҳокама қилинди. Бу борада кўзга ташланаётган муаммоларни барта- раф этиш юзасидан бир қатор тавсиялар берилди.

Тадбир доирасида мактаб ўқувчилари учун тавсия этилаётган кийим- ларнинг кўргазмаси ҳам бўлиб ўтди. — Мактаб ўқувчиларининг янги кийиниш услубига ўтишлари биз муаллимларнинг кўнгилмиздаги иш бўлди, — дейди **Андижон вилояти Асака туманидаги 5-умумтаълим мактаби директори Ҳилола Ортиқова**. — Мазкур масала ўқувчилар ва уларнинг ота-оналари билан келишган ҳолда ҳал этилмоқда. Баҳорда «Мактаб ўқувчиси қандай кийиниши керак» деган мавзуда иншо- лар ва расмлар танловини эълон қилдик. У ерда йиғилган материал- лар асосида ота-оналар билан ба- маслаҳат бир тўхтамга келдик. Биз ўғил болалар учун аънавий қора

рангли кастюм- шимдан воз кечи- б унинг ўрнига кул- рангини танладик. Кам таъминланган оилаларнинг фар- зандалари ҳам бош- қалардан кам бўл- маган ҳолда кийи- нишлари учун ке- ракли миқдорда маблаг ажратилди. Дизайнерлар бил- ан ҳамкорликда кийимларни махсус тиктирдик. Агарда уларни тайёр ҳолда сотиб олганимизда анча қимматга туш- ган бўларди. Хозир ҳар бир кийим-ке- чак 12 минг сўмдан тушяпти. Бирин- чидан, пул иқтисод қиляпмиз. Иккин- чидан, мактаб ўқувчилари барча ҳавас қиладиган, чиройли, бежирим кийимларга эга бўлди... Бир сўз билан айтганда, мамлакатимиз халқ таълими тизимида эъти- роф этиладиган ютуқлар кўп. Бугун мактабларимиз моддий-техник база- сини мустақамлаш, муаллимлар меҳнатини қадрлаш, уларнинг жами- ятдаги мавқеини янада ошириш бо- расида салмоқли ишлар олиб борил- моқда. Бу ислохотлар замирида ётган буюк мақсад — баркамол ав- лодни тарбиялашдир.

Темур ЎЗБАН,
«Ўзбекистон овози» мухбири.

Табрик

21 йил

TRASTBANK
ИШОНЧ БИЛАН ЮЗМА-ЮЗ

«ТРАСТБАНК»
хусусий очик акциядорлик биржа банки жамоаси

юртдошларимизни мамлакатимиз мустақиллигининг 21 йиллиги билан муборакбод этади.

Юртимиз тинч, осмонимиз мусаффо бўлсин!

«БУХОРОПАХТАСАНОАТ»
худудий акциядорлик бирлашмаси жамоаси

юртдошларимизни мамлакатимиз истиқлолининг 21 йиллиги билан қутлайди!

Мана шундай шуқуҳли кунларда барчангизга сиҳат-саломатлик, хонадонингизга тинчлик-хотиржамлик, она Ватанимиз мустақиллигини мустақамлашдек эзгу ишларингизда муваффақиятлар тилаймиз!

Газетанинг навбатдаги сони 23 август, пайшанба куни чиқади.

MUASSIS:



O'ZBEKISTON
XALQ DEMOKRATIK
PARTIYASI
MARKAZIY KENGASHI

Bosh muharrir: **Safar OSTONOV**

TAHRIR HAY'ATI:

Abdulla ORIPOV	Murodulla ABDULLAYEV	Muslihiiddin
Latif G'ULOMOV	Ulug'bek MUSTAFOYEV	MUHIDDINOV
Bobir ALIMOV	Tat'yana KISTANOVA	Ochilboy RAMATOV
Sharbat ABDULLAYEVA	(Bosh muharrir o'rinbosari)	Saidahmad RAHIMOV

BO'LIMLAR:

Parlament faoliyati — 233-10-13; Partiya hayoti — 233-11-49;
Madaniyat va ma'naviyat — 233-69-45;
Ijtimoiy hayot va iqtisodiyot — 233-44-55;
Jamoatchilik bilan aloqalar va huquqiy targ'ibot — 233-12-56;
Sport va vatandorlik — 233-44-55;
Reklama va e'lonlar — 233-38-55, 233-47-80; Kотибиyat — 233-72-83, 236-55-17.

MANZILIMIZ:

100000, Toshkent,
Matbuotchilar
ko'chasi, 32-uy.
Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.
«Sharq» nashriyot-matbaa aksiyadorlik kompaniyasi boshmaxonasida chop etildi.
Korxonaga manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi 2 bosma taboq.

Gazeta seshanba, payshanba va shanba kunlari chiqadi.
«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

e-mail: info@uzbekistonovozi.uz

Г — 846
10525
nuxxada
bosildi.
t — Tijorat materiallari
O'za yakuni — 22.10
Topshirilgan vaqti — 01.30

Sotuvda erkin narxda

Navbatchi:

Bardambek SA'DULLAYEV

Sahifalovchi-dasturchilar:
Sobirjon TUNG'ATOV,
Zafar BAKIROV

ISSN 2008-7633



1 2 3 4 5